



Inatsisartunut ilaasortamut
Pele Broberg
Naleraq

05-08-2025
Sags nr.2025-16260
Akt. id. 25622333

Postboks 260
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

§ 37 naapertorlugu apeqqummut nr. 116-2025-mut naalakkersuinikkut ingerlatsisunut partiinut tapiissutitut tunngasumut akissut

Asasara Pele Broberg.

Apeqqutitut qujanaq. Apeqqutit ataasiakkaarlugit ataani allaqqinneqarput, akissutaannik malitseqqartillugit.

1. Kalaallit Nunaanniittut politikikkut partiit, Kalaallit Nunaata avataaneersut politikikkut partiiniit qanoq annertutigisumik, toqqaannartumik toqqaannangitsumillu, pissarsiaqartarpat? Uani partiit Danmark-imiit, Savalimmiuniit, allaniillu ukiut kingulliit aningaasannaffiusimasut saqqummiuteqquneqarput.

Naalakkersuisut partiit naatsorsuutaat pillugit namminneq pissarsiniarsinnaanngillat. Naalakkersuinikkut ingerlatsisut partiit naatsorsuutaasa tamanut saqqummiuneri pillugit Inatsisartut inatsisaata allanngortinneranik Namminersorlutik Oqartussat nalunaarutaat nr. 45, 14. maj 2025-meersumi § 3 naapertorlugu partiit immikkut ukiup naatsorsuiffiusup naanerata kingorna kingusinnerpaamik qaammatit arfinillit qaangiutsinnagit ukiumut naatsorsuutit assilinerat Inatsisartunut nassutissavaat. Tamatuma kingorna Inatsisartut Siulittaasoqarfiata naatsorsuutit tamanut ammasumik saqqummiutissavai. Aningaasaqarnikkut tapiissutit pillugit paasissutissat naatsorsuutini taakkunani takuneqarsinnaapput. Taamaattumik paasissutissat kissaatigineqartut pillugit Naalakkersuisut naalakkersuinikkut ingerlatsisut partiit naatsorsuutaat tamanut ammasumik saqqummiunneqartut innersuussutigaa.

2. Nunat allat Kunngeqarfiup avataaniittut, soorlu Island, Norge allallu, politikikkut partiinut nunatsinniittunut toqqaannartumik toqqaannangitsumillu aningaasatigut tapersiisinnalissagaluarpata, Naalakkersuisut ajornartorsiuteqarsinnaasutut isumaqarfigaat?

Naalakkersuisut maluginiarpaat, Naalakkersuinikkut ingerlatsisut partiit naatsorsuutaasa tamanut saqqummiuneri pillugit Inatsisartut inatsisaata allanngortinneranik Namminersorlutik Oqartussat nalunaarutaat nr. 45, 14. maj 2025-meersumi § 4b naapertorlugu naalakkersuinikkut ingerlatsisuniit partiiniit Kunngeqarfiup avataaniittuniit aningaasaqarnikkut tapiissutitnik pissarsisarneq inerteqqutaasoq. Taamaalilluni taamatut ittunik tapiissuteqarneq inatsisinik atuuttunik unioqqutitsinerussaaq.



3. Nunat allat Kunngeqarfiup iluaniittut, soorlu Danmark, Savalimmiullu, politikikkut partiinut nunatsinniittunut toqqaannartumik toqqaannanngitsumillu aningaasatigut tapersiisinnaatitaanerat, Naalakkersuisut ajornartorsiuteqarsinnaasutut isumaqarfigaat?

Tamanna Naalakkersuisut ajornartorsiutaasutut isiginngilaat. Tamanna pissuteqarpoq, partiit akornanni suleqatigiinnermik ileqqoqarluni Kunngeqarfiup iluani attuumassuteqarnerit. Naalakkersuisut pingaartippaat, taamatut attuumassuteqarnerit ataqqeataigiinnermik aamma ataatsimoortumik tamat oqartussaaneranni naleqartitanik tunngaveqarnerat.

Inussiarnersumik inuulluaqqusillunga

Bentiaaq Ottosen